

**Sel Prestuhn
Henry B. Eyring**
Mwet in Kahsruh Se Met ke
Prestuhnsi Se Met



Kawuck Yohk Luhlahlfongi la

Sie sin mwe kaksak yohk Mwet Lahngo El kuh in sang pa in pahngon kuht “kawuck.” Kuht etuh lah El luhngse ke sie luhngse na pwacye nohfohn tuhlihk nuhtin Pahpah Tuhmwacl Inkuhsrao uh. Tuh elos suc luhlahlfongi kuh ke kuhlwaconsap lalos nuh Sel uh, El sruokyac sifac yohk srihpac se inge. Kom esam kahs ke section ahk 84 ke Doctrine ac Covenant ma Leum El fahk nuh sin mwet luhlahlfongi ah, mwet kawuck lal—nuh ke pacl se inge fahlac El fah pahngolos kawuck an—lah ma ingacn El kwacfe tuh El in sang nuh selos masap inge, elos in muh oacna sie oacna mwet kawuck Lal ke pacl ma El weluhlos uh, forfor in fahkwaclihk wosasuc uh ke kuh Lal (liye D&C 84:77).

Kuht orwaclah kawuck Lal ke kuht kuhlwaconsapuh mwet sahyac nuh Sel uh. El pa mwe srihkasrak na wowo se ke kain in kawuck ma kuht ac eklac nuh kac uh. El luhngse ma wo muhkwenan nuh sin tuhlihk nuhtin Pahpah Tuhmwacl Inkuhsrao. Engan lalos uh pa Engan Lal uh El puhlakihn suhpwacr lalos an oacna ma Lal sifacna ke srihpen El molwelah ma koluk lalos nohfohn, eis nuh Faci Sifacna muhsactahl kwewa, us ma koluk lalos kwewa, ac puhlakihn kena lalos nuh kwewa. Srihpen oruh Lal uh nwacsnwacs. El tiac suk in akikhlenyuck El Sifacna tuhsruhkh in sang wolacna nuh kwewa nuh sin Pahpah Tuhmwacl Inkuhsrao. Kawuck

wowo, Jisus Kraist, pa tiac nuhnkuh kac sifacna in sang engan nuh sin mwet sahyac uh.

Kais sie sesr suc orwaclah olwelah ke pacptais uh olwelah in ukwe srihkasrak Lal in us ma toasr luhn sie sin sie oacna ke El oruh ah (liye Mosiah 18:8).

Ke lwen ekahsr tohkoh an kom fah kuh in eis pacl wowo in oruh sie kawuck nuh Sel. Kuh in sikyak ke kom fahsr ke soko inkacnek tuhs. Kuh in sikyak ke kom muhta ke soko train uh. Kuh in sikyak ke kom suk sie acn in muhta ke sie lohm in Alu uh. Kom fin tuni, kom ac fah liye sie mwet in us sie ma toasr la. Kuh in sie ma na toasr ke suhpwacr kuh muhkahimtacl kuh tohrkahskahskihn. Kom kuh in kahlwem sum muhkwenan fin kom pruhe nuh ke Nguhn in usot nuh sum muhta in liye insiac uh ac olwelah in sruhwack paho ma ahtlah an.

Top nuh ke pruhe lom an kuh in sun sie kawuck mahtuh, sie mwet kawuck kom tiac liye ke yac pucspucs tuhsruhkh enenuh lalos an sana tuhkuh nuh ke mwe nuhnak lom ac insiom ac puhla oacna in ma na lom sifacna. Ma ingacn sikyak nuh sihk. Kawuck mahtuh luhk ingacn kahsrweyuc ke acn loeloes ac ke yac pucspucs in use mwe ahkkweye ke God muhkwenan kuh in fahk nuh selos ma toasr luhk uh.

Mwet pahluh mouh luhn God siyuck sesr in oruh mwet kawuck yohk luhlahlfongi la nuh selos suc

tuhkuh nuh ke Alu uh ma welah ac in som nuh ke iwelah nuh selos suc loessuhlah liki alu uh. Kuht kuh in orwaclah, ac kuht ac fah oruh kuht fin esam Mwet Lahngo lwen nuh kwewa. Ke kuht saplaklac in sang kahsrüh ac sruhk sie ma toasr uh, El wi kuht saplaklac. El fah kol kuht nuh yohrohlos suc enenuh. El ac fah ahkinsewowoye kuht in puhla ma elos puhla uh. Ke kuht sang kuhiyacsr in kuhlwacnsapwaclos uh, ac fah utuckuh yohk nuh sesr mwe sang in puhla luhngse Lal nuh selos uh. Ma ingacn fah use nuh sesr puhlaik ac kuh in sifilpac saplaklac ac in sifilpac ke kuh in luhlalfongi.

Ac, ke pacl uh ac nwe tok ma pahtpaht, kuht ac fah puhla engan ke pwacngackiyuck kuht nuh ke mwet kawuck yohk luhlalfongi Lal uh. Nga pruhe nuh ke mwe insewowo sacn nuh sesr nuh kwewa ac nuh selos suc ma kuht ac fah kuhlwacnsapuh.

LUTI KE PWENG SE INGE

Mwet ke sucu an ac luhngse yohk in wi ke siyuck-yuck selos in liye kughtuh ma ke elos suk ma suhmuhslah uh ac kahs luhn mwet pahluh an (liye *Teaching, No Greater Call* [1999], 55). Ke kom riti pohloh kahs ingacn uh, siyuck sin sucu an in ahkkahlwemye ip yohk ma ac kahsrweltahl in nwacsnwacs in pahngpahng kawuck luhn Leum uh.

Teaching, No Greater Call fahk muh: "Fin oasr luhngse luhn Kraist uh sum, kom ac fah ahkolah wo in luti ke wosasuc uh. Kom fah moklweyuck in kahsrüh mwet sahyac in etuh Mwet Lahngo ac in Ukwac!" (12) Ahkkahlwemye ke ip yohk ingacn ma kuh in kahsrwe kom in oruh sie mwet luti wowo yurin sucu. Sramsramkihn ma inge nuh sin mwet se ma wi kom an, ac pruhe in nuhkuh ke ohiyacn "kawuck yohk luhlalfongi la" nuh selos suc kowos kuhlwacnsapuh an.

MWET FUHSR

Mukul Sasuc se

Sel Matthew Okabe

Upac nuh sihk in puhla lah nga fal nuh kac. Sucu luhk ah tuhfhahna som ahlukwelah acn luhlahp uh. Ward se ma kuht tuhkuh nuh kac ah oasr sie un

mwet fuhsr na puhs we, tuhsruhk pa inge pacl se emet ma nga oruh "mukul sasuc se." Ip se ma koluk emet ah pa nga enenuh in som nuh ke sie lutlut sasuc, ac nuhnak sac sana tuhkuh nuh inmahngok, "Suc ngwac wi muhta ke pacl in mongo infulwacnlwen uh?" Sahp ngwac liye sie mwet ke alu uh, tuhsruhk nga tiac ke sukunyacti tepuh in mongo luhn kuhtwena mwet, yohkna ke nga tiac etuh lah elos ac ke ngan weluhlos uh!

Lwen se emet ke lutlut ah oacna in loeslac.

Sahflahiyac ah tahpweng nuh ke pacl in mongo infulwacnlwen ah kahs. Ke nga kahkahrhksrihk utyak nuh ke infuckihl in mongo sac, nga pruhe nuh sin Pahpah Lucng Elan kahsrweyuc sokwack sie mwet nga etuh ah. Nga ngwetngwet suk lah nga kuh in akihlen oacna sie mwet. Wacngihn mwet na nga tari fahlac nuh ke soko tepuh ke sahflahiyen acn in mongo sac ac kanglah mongo in infulwacnlwen nak ah.

Puhan pacl tok ke lwen sac ke pacl in kuhlahs luhn acwac ah, nga akihlenwack sie ngwetngwet nga etuh. Nga liyacd David ke seminary ke lututacng sac. El siyuck in liye schedule luhk ah ac sokwack lah kuht kwewana oacna sie pacl in mongo infulwacn lwen la ah. "Wei kom muhta oyac ke pacl in mongo in infulwacnlwen ah?" el siyuck.

"Nga muhta e tok ke sisken infuckihl sac," Nga topuk.

"Koacl, lutu tuhkuh ac wiyuc muhta ke pacl in mongo in infulwacnlwen uh," el fahk.

Nga tarilacna sin Pahpah Lucng na luhngse se, suc etuh kais sie enenuh lasr ac suc topuk kais sie pruhe lasr uh. Nga oacyacpac tarilacna sin mwet se ma insese in ahsrelah sie paho in akawucki. Ma na fihsrwacsr ma oacna sie solsol uh kuh in orwaclah eklac na luhlahp.

TUHLIHK

Jisus Kraist, Mwet Kawuck Wowo Lasr

Prestuhn Eyring el fahk lah Jisus pa mwet kawuck wowo lasr uh. Pa inge kughtuh inkacnek ma Jisus el ahkkahlwemye akawucki wowo Lal nuh sesr uh.

El luhngse ma ac wo emet nuh sesr uh.

El engan ke kuht engan uh.

El puhla ahsor ke kuht ahsor kuh ngal uh.

El kweok ke ma koluk lasr uh kuht in muh kuh in fohlohk nuh yurin Pahpah Lucng.

In sie Kawuck nuh sin Jisus

Prestuhn Eyring el fahk lah kuht kuh in oruh kawuck luhn Jisus in oruh sie kawuck nuh sin mwet sahyac nuh Sel. Srolwacalah petsac ke inkacnek ahkosr ma kom kuh in oruh sie kawuck uh.

Kom kuh in kahsrub sie mwet ma ahsor.

Kom kuh in oruh sie kawuck nuh sin sie mwet suc muhkahimtacl.

Kom kuh in suli sie mwet in tuhkuh nuh ke alu uh.

Kom kuh in esamuhl Jisus lwen nuh kwewa.



Ahkkweye Sucu an ac Lohm an

Lutlutkihn kuhfa inge, ac ke pacl fal, sramsramkihn yurin tahmtahel ma kom muhtwacta nuh yohroh an. Orekmakihn kihsen siyuck an in kahsrwe kom ahkkweye tahmtahel wiyom an ac in orwacлах ip fokoko se ke Rilif Sosaiti ke moul lom sifacna an.

Ke Ma Suhmuhsalah uh: Genesis 18:19; Mosiah 4:15; D&C 93:40; Moses 6:55–58

Ahkkweye ke Pacl Wowo Nuh Kwewa

“Kais sie sesr oasr ke kain ohiyac luhn sucu uh. Kuhtuh sucu uh oasr ninac se ac pahpah se yurin tuhlihk an in lohman. Kuhtuh siyacnyacn uh wacngihnlac tuhlihk nahtuh in lohman. Mwet pucspucs ke Alu uh lolacp, ac kuhtuh ninac pahpah uh lolacp. Kuhtuh katin maslac kuh tuhmuhn maslac muhkwen muhta.

“Wacngihn srihpen atacn sucu lasr uh, kais sie sesr kuh in orekma in ahkkweye sucu lasr sifacna uh kuh kahsrh in ahkkweye mwet sahyac an.

“[Sie pacl ah] Nga muhta lun lohman sin tuhlihk muhtwacn se nuhtin tuhlihk se wiyuck ac sucu lal ah. Ekuh sacn met liki tuhlihk an ac mutullac uh, kuht oruh sie ekuh in toeni luhn sucu na fototo ac sie sramsram ke ma suhmuhsalah. Pahpah tuhmwaclos ah sruhmuhn ke sucu lal Lehi ah ac ohiyacn luti lal nuh sintuhlihk nahtuhl an lah elos enenuh in sruokyac na kuh osra suwohs soko ah, suc pa kahs luhn God uh. Sruokyacna kuh osra suwohs soko ah ac molweloslac ac kohlohloslac nuh ke pwacr ac engan. Fin elos fuhlwelah osra suwohs soko ah, oasr mwe sensen

ke walomlah ke infacl in kof fohk-fohk soko ah.

“In srihkacacng nuh sin tuhlihk inge, ninac kiaclos an ac oacna ‘osra suwohs’ soko ma elos enenuh in sruokyacna an, ac pahpah tuhmwaclos an oruh ma kunacl setuhn an, srihke in ul tuhlihk an liki luhlhl-fongi ac engan. Tuhlihk an luhngse sramsram soko ah ac lotwelah yohk srihpaciycn sruokyacna osra suwohs soko an. Tukun sramsram ke ma suhmuhsalah sac, pacl in pruhe luhn sucu. . . .

“Ma suhmuhsalah, ekuh in toeni luhn sucu, ac pruhe in sucu fah ahkkweye sucu uh. Kuht enenuh in eis pacl wowo nuh kwewa in ahkkweye sucu an ac tahpuhk sie sin sie in muhtana ke inkacnek suwohs ac pwacye soko an.¹

Barbara Thompson, mwet in kahsrh ahkluo luhn Rilif Sosaiti ke prestuhnsi luhlhlp.

Ke Ma Mahtuh Lasr

Ke muhtwacwacackiyac ah Rilif Sosaiti ituckyang nuh se sie kuh in ahkkweye sucu uh ac lohman. Mwet pahluh Joseph el luti tahmtahel uh ke sie miting emet luhn Rilif Sosaiti, “Ke kom som nuh lohman ah uh, nimet kom sang kuhtwena kahs koluk kuh sekuhlwacng nuh sin mukul tomowos an, tuhsruhklwelah kuhlwacng, luhngse pwacye ac luhngse in sunyac orekma lom an ingelac fahlac.”²

Ke 1914 Prestuhn Joseph F. Smith el fahk nuh sin tahmtahel ke Rilif Sosaiti, “Acn nuh kwewa ma oasr ngwetngwet lucng kuh oacna sie srihklac luhn etwacack ke ma luhn sucu an, . . . u se inge oreklac kuh apkuhran, ac ke olwelah ac nuhnak wowo luhn u se inge elos ahkolah in eis mwe kol ke kunohkohn yohk srihpac muhtahl ingacn.”³

MWE KAHSRUH

1. Barbara Thompson, “His Arm Is Sufficient,” *Liahona*, Mei 2009, 84.
2. *Teachings of Presidents of the Church: Joseph Smith* (2007), 482
3. *Teachings of Presidents of the Church: Joseph F. Smith* (1998), 186.

Meac Kuht Kuh In Oruh?

1. Meac nuhnak ma ac ahkkweye sucu uh ac lohman ma kom ac kuh in akacsruhi nuh sin tahmtahel wiyom an? Ke kom motko kais sie ohiyac lalos an, Nguhn kuh in usot nuhnak nuh insifom.

2. Meac ma yohk emet ma kom kuh in ekuhllah ke mahlwem se inge in ahkkweye sucu ac lohman sum sifacna an?

Nuh ke kuhtuh pac ma in etuh, som nuh ke www.reliefsociety.lds.org.

© 2010 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kahs English: 6/09. Ahkkweyeyucklac ke lweng: 6/09. Lwenglah luhn *Visiting Teaching Message, July 2010*. Kosraean. 09367 868